

इवनिंग डोगरी न्यूज़ बुलेटिन

समे-18:15 Hrs

<><><><><><>

Headlines:-

- 1 आम चुनाव दे पैहले गेड़ दा मतदान होया मुकम्मल। उधमपुर पार्लिमानी हल्के च 5 बजे तोड़ी 65 अशारिया 8 फीसद मतदान कीता गेआ दर्ज।
- 2 प्रधानमंत्री नरेंद्र मोदी होरें आखेआ ऐ जे जारी लोकसभा चुनावs अगले 5एं बरें आस्तै वैश्विक सतह उपपर भारत दा भविष्य तैय करडन। दुनिया दे मजूदा हालात दे मददेनजर, भारत च मजबूत ते स्थिर सरकार दी ऐ जरूरत।
- 3 उपराज्यपाल मनोज सिन्हा होरें कल उद्योग, बन्ज बपार जियोलाँजी ते माइनिंग विभाग दी जायजा मीटिंग दी कीती अध्यक्षता।
- 4 1992 बैच दे आई.पी.एस अफसर नलिन प्रभात होरें गी आतंकवाद रोधी दस्ते राश्ट्री सुरक्षा गार्ड दा प्रमुख कीता गेआ नियुक्त।

<><><><><><>

Voting-Udh. LS

उधमपुर-कठुआ संसदीय लोकसभा हल्के च अज्ज पैहले गेड़ तैहत मतदान होआ। आकाशवाणी जम्मू संवाददाता दी रिपोर्ट मुजब संजा 5 बजे तगर उधमपुर संसदीय हल्के च 65 अशारिया 8 फीसद मतदान दर्ज कीता गेआ। बनी च 60 अशारिया 6-5 फीसद, बनिहाल च 55 अशारिया 6-2 फीसद, बसोहली च 63 अशारिया 5-7 फीसद, भद्रवाह च 65 अशारिया 7-8 फीसद, बिलावर च 64 अशारिया 5-1 फीसद, चनेनी च 66 अशारिया 3-3 फीसद, डोडा च 66 अशारिया 7-8 फीसद, डोडा पच्छिम च 66 अशारिया 6-2 फीसद, हीरानगर च 57 अशारिया 6-2 फीसद, इंद्रवाल च 62 अशारिया 5-1 फीसद, जसरोटा च 68 अशारिया 6-5 फीसद, कठुआ च 68 अशारिया 6 फीसद, किशतवाड़ च 60 अशारिया 8-1 फीसद, पाडर-नागसैनी च 60 अशारिया 8-5 फीसद, रामबन च 64 अशारिया 7-6 फीसद, रामनगर च 64 अशारिया 7-9 फीसद, उधमपुर पूर्व च 69 अशारिया 9-6 फीसद, उधमपुर पच्छिम च 67 अशारिया 3-3 फीसद मतदान दर्ज कीता गेआ।

बड्डले थवां गै लोकें दिएं लम्मियां-लम्मियां रींगां मतदान केंद्र पर दिक्खियां जाऱदियां हियां। पैहले गेड़ तैहत अज्ज होए दे मतदान गी लेइए लोकें च खासा उत्साह दिक्खने गी लब्बा।

<><><><><><>

### PM-Global

प्रधानमंत्री नरेंद्र मोदी होरें अज्ज आखेआ ऐ जे इसलै चला रदे लोकसभा चुनांस अगले 5एं बरें च भारत गी बड्डी वैश्विक शक्ति बनाडन। इस लेई दुनिया च मजूदा हालात गी दिक्खदे होई इक स्थिर सरकार दी लोड़ ऐ। दमोह मध्य प्रदेश च इक चुनावी रैली च बोलदे होई उनें कांग्रेस उप्पर केइयें दहाकें तोड़ी रक्षा खेतर गी कमजोर करने दा दोष लांदे होई आखेआ जे एह विपक्षी दल नेई ही चाहंदा जे भारत च फ्रांस थमां राफेल लड़ाकू जहाज आंदा जा। उनें आखेआ जे दुए पास्सै बीजेपी सरकार रक्षा खेतर गी मजबूत करा रदी ऐ ते केइयें देशें गी हथियार निर्यात कीते जाऱदे न जिंदे च फिलीपीन्स गी ब्रह्मोस क्रूस मिसाइल शामिल ऐ। पाकिस्तान दा जाहरी तौरा उप्पर जिक्र करदे होई मोदी होरें आखेआ जे जेहड़ा देश आतंक गी सप्लाई करदा ऐ, ओह अज्ज आटे आस्तै संघर्ष कराऱदा ऐ। उनें जोर भरेया जे सरकार गरीबें दे कल्याण आस्तै बचनबद्ध ऐ, इस लेई 80 करोड़ लाभार्थियों गी अगले 5एं बरें तोड़ी मुफ्त राशन देने आली स्कीम जारी रक्खी गई ऐ।

<><><><><><>

### Shah Nomination

केंद्रीय गृहमंत्री अमित शाह होरें अज्ज गांधी नगर लोकसभा हल्के थमां बीजेपी दे मेदवार दे तौर पर नामांकन कीता। इस दौरान उन्दे कन्नै गुजरात दे मुखमंत्री भूपेंद्र पटेल होर बी हे। उनें गांधी नगर दे कलेक्टर ते जिला चुनांस अधिकारी गी अपने नामजदगी आले कागज पत्र साँपे। बीजेपी दे साबका अध्यक्ष अमित शाह होरें 2019 च 5 लक्ख वोटें कन्नै आम चुनाव च जित हासिल कीती ही।

<><><><><><>

### Nomination 3<sup>st</sup>, 4<sup>th</sup> Phase

लोकसभा चुनांस दे त्रीए गेड़ तैहत होने आले चुनांस लेई नामांकन भरने दा अज्ज अखीरी दिन हा। 7 मई गी इस गेड़ तैहत 10 राज्य ते 2 केंद्र शासित प्रदेशें दी 94 संसदीय सीटें लेई मतदान होग। नामांकन पत्रें दी जांच आला

कम्म कल कीता जाग। सोमवारें तगर मेदवार जेकर चाहन तां अपना नां वापस परताई सकदे न। कल चौथे गेड़ लेई नामांकन भरने दी प्रक्रिया शुरू होई ही। इस गेड़ लेई मतदान 13 मई गी होना ऐ। 9 राज्यें ते इक केंद्र शासित प्रदेश दी 96 लोकसभा सीटें लेई 13 मई गी मतदान होग। नामांकन भरने दी खीरी तरीक इस म्हीने दी 25 ऐ।

<><><><><><>

### Key-Contestant 1<sup>st</sup> Phase

प्रमुख सियासी मेदवार जिंदे सियासी भागें दा फैसला पैहले गेड़ दे मतदान च अज्ज होना ऐ, उंदे च मुख्त तौरा पर शिड़क यातायात ते राष्ट्रीय जरनैली शिड़कें सरबन्धी केंद्री मंत्री नितिन गडकरी होर नागपुर थवां प्रधानमंत्री हुंदे दफतरै च राज्यमंत्री डॉ. जितेंद्र सिंह ओह उधमपुर संसदीय सीट थवां उत्तराखंड दे साबका मुख्तमंत्री टी.एस रावत हरिद्वार थवां रक्षा मंत्री अजय भट्ट नैनीताल उद्यम सिंह नगर थवां केंद्री कन्नू ते न्यास मंत्री अर्जुन राम मेघवाल बिकानेर राजस्थान थवां ते त्रिपुरा दे साबका मुख्तमंत्री बिपलब कुमार देव त्रिपुरा पच्छिम थवां चुनांस लड़ा रदे न। तमिल नाडू च भाजपा दे प्रदेश प्रधान के. अन्नामलाई Coimbatore थवां, तेलंगाना दे साबका गवर्नर डा. टी. सौंदराराजन चेन्नई दक्खण थवां डीएमके नेता कनिमोड़ी, तमिलनाडू दे साबका मुख्तमंत्री O. Panerselvam पशुपालन सरबन्धी केंद्री राज्य मंत्री संजीव बालियांन, मुज्जफर नगर थवां कांग्रेस नेता कमल नाथ हुंदे पुत्तर नकुल नाथ मध्य प्रदेश दे चिंदवारा थवां चुनांस लड़ा रदे न। अज्ज इनें सारे मेदवारें दे सियासी भागें दा फैसला मतदाताएं ईवीएम च बंद करी दिता ऐ।

<><><><><><>

### Congress Rally Samba

कांग्रेस पार्टी दे जम्मू लोकसभा हल्के थवां मेदवार रमण भल्ला होरें अज्ज सांबा जिले दे भोजपुरी, गुड़ा सलाथिया, सुजमां, सुम्ब ते साम्बा च प्रचार कीता। भल्ला होरें लोकें थवां उनेंगी वोट करने दी अपील कीती। मीथिया कन्नै गल्ल करदे होई कांग्रेस पार्टी दे मेदवार रमण भल्ला होरें आखेआ जे औने आले समें च ओह हर चाल्ली दियां सुविधां उपलब्ध करोआडन। बीजेपी दी नुक्ताचीनी करदे होई उनें आखेआ जे भाजपा लोकें दी मेदें पर खरी नेई उतरी।

<><><><><><>

ते हुन बाकी दिएं खबरें कन्नै निर्मल विक्रम।

### LG-Meet

उपराज्यपाल मनोज सिन्हा होरें कल उद्योग ते बन्ज बपार मैहकमे दे कन्नै-कन्नै जियोलाँजी ते माइनिंग आले विभागें दी जायजा मीटिंग दी अध्यक्षता कीती। मीटिंग च निवेश आले प्रस्तावें दे अलावा विभाग दी परियोजनाएं ते योजनाएं दी अमलावरी उप्पर ब्यौरेवार चर्चा कीती गई। उपराज्यपाल होरें सीनियर अफसरें गी निवेशकें ते उद्योगपतियें कन्नै नियमित मीटिंगां करने दे निर्देश दिते तां जे महत्वै आले मुद्दें दी समस्याएं गी नबेड़ेया जाई सकै। उपराज्यपाल होरें गी मजूदा उद्यौगिक Estates दी जमीन दे इस्तेमाल दी जानकारी दिती गई। इस दौरान उपराज्यपाल होरें नर्मी केंद्रित खेतर दी स्कीमें, इक जिला इक उत्पाद, गति शक्ति, पी.एम विश्वकर्मा जनेई केई स्कीमें दी पेशरफ्त दा जायजा बी लैता ते जम्मू-श्मीर च स्टार्ट अप्स गी बढ़ावा देने उप्पर बल दिता।

<><><><><><>

### NSG-Chief

1992 बैच दे आईपीएस अफसर नलिन प्रभात होरें गी मुख्य दे आतंकवाद रोधी बल, राष्ट्रीय सुरक्षा गार्ड दे प्रमुख दे तौर पर नियुक्त कीता गेआ ऐ। आकाशवाणी जम्मू संवाददाता दी रिपोर्ट मुजब 1992 बैच दे अधिकारी आंध्र प्रदेश काडर थवां न ते इसलै केंद्रीय सशस्त्र पुलस बल दे एडीजी दे तौर पर अपनियां सेवां देआ रदे न। कैबिनेट दी नियुक्तिएं सरबंधी कमेटी नै उंदी नियुक्ति एनएसजी प्रमुख दे तौर पर करने लेई मंजूरी दिती ऐ। उंदा कार्यकाल 31 अगस्त 2028 तगर होग। एनएसजी दी स्थापना 1984 च होई ही। एसएसबी दे प्रमुख दलजीत सिंह चौधरी इसलै एनएसजी दा बाददू कम्मकाज संभाला रदे न। सरबंधत कमेटी नै ओडिशा काडर दी आईपीएस अधिकारी सपना तिवारी होरें गी इंटेलीजेंस ब्यूरो दा स्पेशल डरैक्टर नियुक्त कीता ऐ। उंदा कार्यकाल 2 बरे दा होग।

<><><><><><>

### DPAP

◌मोक्रेटिक प्रोग्रेसिव आजाद पार्टी दे नेता मोहम्मद सलीम परें होरें अज्ज अनंतनाग राजौरी लोकसभा हल्के थवां अपना नामांकन भरेआ। जम्मू-कश्मीर दे अनंतनाग लोकसभा हल्के पर 7 मई गी त्रीए गेड़ तैहत मतदान होना ऐ।  
◌मोक्रेटिक प्रोग्रेसिव अजाद पार्टी दे चेयरमैन गुलाम नबी आजाद ते पार्टी दे होरनें दुए नेताएं दी मौजूदगी च परें होरें अपना नामांकन पत्र अनंतनाग दे िप्टी कमिशनर होरें गी सौंपे। नामांकन पत्र भरे जाने मगरा आजाद होरें मेद जाहिर कीती जे परें होर इस सीट थवां अपनी जित दर्ज करडन ते लोकसभा च जम्मू-कश्मीर दे लोकें दी नुमायंदगी करडन।

<><><><><><>

### Hajj Training Poonch

भारतीय हज कमेटी नै पुंछ दे जिला प्रशासन दे सहयोग कन्नै अज्ज पुंछ दे हज उप्पर जाने दी इच्छेया रखने आले 130एं जनें आस्तै सिखलाई सत्र दा सरिस्ता कीता। इस सत्र दा उद्घाटन पुंछ दे एपीसी ताहिर मुस्तफा मलिक होरें कीता ते भारतीय हज कमेटी दे प्रमुख सिखलाई देने आलें, हज जायरीन गी पुंछ थमां जाने थमां लेइयै वापस औने तोड़ी दी सिखलाई दिती।

<><><><><><>

### Railways-Summers

भारतीय रेलवे गर्मियें च यात्रियें दी सुविधा ते इस मौसम दौरान यात्रियें दी बधदी गिनतरी दे मददेनजर रिकार्ड तोड़ 9 जहार 111 फेरे लाग। पिच्छले बरे इस्सै अर्से च 6 जहार 369 फेरे लाए गे हे हुन इनदी बाददू गिनतरी 2 जहार 742 बनदी ऐ। रेल मंत्रालय नै आखेआ ऐ जे देशा गी प्रमुख थाहरें कन्नै जोड़ने लेई रेलवे विभाग बाददू रेल गड्डियां चलाने दी योजना बना रदा ऐ। भारत च फैले दे सब्बनें रेलवे ज़ोन नै इनें बाददू फेरें गी चलाने उप्पर कम्म शुरू करी दिता ऐ। जिनें राज्यें दे यात्रियें दी भीड़ दे संचालन दी लोड़ ऐ, उंदे च तमिलनाडू, महाराष्ट्र, गुजरात, ओडिशा, पच्छमी बंगाल, बिहार, उत्तर प्रदेश, राजस्थान ते दिल्ली शामिल हे। गर्मियें दौरान जोनल रेलवे गी हर रेलवे स्टेशन उप्पर पीने आले पानी दी दस्तयाबी दे कन्नै-कन्नै भीड़ गी काबू च करने दा प्रबंधन दिक्खने दे निर्देश बी दिते गे न। सीनियर अफसरें गी भीड़ गी सुचारू ढंगगै कन्नै चलाने ते निगरानी आस्तै इनें प्रमुख रेलवे स्टेशनें उप्पर तैनात कीता जा'रदा ऐ।

<><><><><><>

## NHW

रामबन जिले दे Gangroo इलाके च ल्हास-पस्सियां पौने करी जम्मू-श्रीनगर राश्ट्रीय जरनैली शिड़क गड़्पिं दी आओजाई लेई बंद होई गई ऐ। आकाशवाणी जम्मू संवाददाता दी रिपोर्ट मुजब रामबन दे Gangroo इलाके च ल्हास-पस्सियां पौने करी 275 किलोमीटर लम्मी शिड़क गी गड़्पिं दी आओजाई लेई बंद कीता गेआ ऐ। शिड़क गी साफ करने लेई अमले ते मशीनें गी कम्मै पर लाया गेदा ऐ तां जे शिड़क गी साफ करिए यातायात बहाल कीता जाई सकै। यातायात सरबन्धी मैहकमे नै लोकें गी अपील कीती ऐ जे ओह ताजा जानकारी लेई ट्रैफिक नियंत्रण कक्ष कन्ने राबता करन।

<><><><><><>

News Read By : Shruti Khajuria and Nirmal Vikram

Composed by : Varinder Sharma

MTS : Tarsem Lal

Editor : Ashok Kumar Mota

---